

## A E tempu di e último plaganan Revelashon 15.

- ❖ Kada persona riba Tera tabatin e portunidad pa skohe entre adorá Dios òf e bestia. Juan ta mira esnan viktorioso, esnan kende a aseptá Dios.
- ❖ E esena ta kambia pa shelu (v. 5). E tabernákulo ta ekspulsando(sakando) huma (Ekso. 40:34-35; 1Reinan 8:10-11). E trabou intermediario den e Santuario Selestial ta kla. E tempu di grasía a yega na un fin.

## B E promé plaganan. Revelashon 16:1-11.

- ❖ E plaganan aki ta similar na esnan ku a tuma lugá na Egipto. Nan ta revelá e kurason duru di esnan kende a disidí pa adora e bestia (v. 2 y 9), i e impotensia di e diabel ku no por protehá su adoradónan (v. 10-11).
- ❖ Despues di e konsekuensianan ruiná (devastador) di e promé kuater plaganan, e mundu ta bira na e bestia i ta pidié pa yudansa. Pero e bestia no por yuda nan (su trono ta yená ku skuridat na un manera simbóliko).

## C E di seis plaga.

### ❖ Riu Eufrates ta wòrdu seká. Revelashon 16:12.

- E riu Eufrates a wòrdu seká literalmente ora ku e Babilonia bieu a kai den mannan di Siro.
- Papa di Roma no por yuda e hendenan, pesei el a bira na e Protestantismo apostatá. Finalmente, tur dos a pèrdè tur e sosten for di e pueblo i ta tempu pa Hesus bini bèk pa tuma loke ta di djÉ (v. 15).

### ❖ E tripel mensahe satániko. Revelashon 16:13-14.

- Satanás ta manda un tripel mensahe komo un falsifikashon di e tripel mensahe angeliko den Revelashon 14. Pa por hasi asina, e ta huza **spiritualismo (e dragon)**, e gobernashon di **Papa na Roma (e bestia)** i e **Protestantismo apostatá (e profeta falsu)**.
- Na e momentu ei, ya kaba Dios a kita Su Spiritu Santu for di esnan kende no a asept'É. Nan lo wòrdu engańá fasilmente dor di e diabel su señalnan i milagernan, i nan lo bolbe bira na djé (mira 1 Tesalonisensenan 2:11-12).
- E fin ta inminente: “Mira(ata), Mi ta bini manera un ladron” (v. 15). Satanás ta ataká pa último bia.

### ❖ E bataya di Armagedón. Revelashon 16:15-16.

- Armagedón ta nifiká “seru di Meguido” na Hebreo. No tin ningun lugá ku e nòmber ei, pero tin un area na Palestina yamá “Meguido.”
- Ku e último atake ei, Satanás ta purba destruí e hendenan kende ainda ta permanesé na Dios. ***Nos ta preparando pa permanesé fiel den e último bataya ei según ku nos ta disidí pa permanesé fiel den nos tentashonnan awe.***
- E atake ei lo wòrdu interrumpí dor di e di shete plaga (v. 17-21). Esei lo sosodé djies promé ku “e speransa bendishoná i aparishon glorioso di nos gran Dios i Salvador Hesus Kristu.” (Tito 2:13)